



Atvinnuvega- og nýsköpunarráðuneyti
Skúlagötu 4
150 REYKJAVÍK

Reykjavík, 6. mars 2019
Tilvísun: 2017080123/50.12

Efni: Drög að frumvarpi til laga um breytingu á lögum nr. 25/1993 um dýrasjúkdóma og varnir gegn þeim, lögum nr. 93/1995 um matvæli og lögum nr. 22/1994 um eftirlit með fóðri, áburði og sáðvöru - Umsögn Heilbrigðiseftirlits Reykjavíkur.

Eftirfarandi er umsögn Heilbrigðiseftirlits Reykjavíkur (HER) um drög að frumvarpi til laga um breytingu á lögum nr. 25/1993 um dýrasjúkdóma og varnir gegn þeim, lögum nr. 93/1995 um matvæli og lögum nr. 22/1994 um eftirlit með fóðri, áburði og sáðvöru, lagðar fram á samráðsgátt.

Almennt um frumvarpsdrögin

Mikilvægt er að mati HER að gætt verði fyllstu varúðar við þær breytingar sem fyrirhugaðar eru samkvæmt drögunum og að jafnframt verði samþykktar og efldar ýmsar mótvægisaðgerðir til að tryggja neytendavernd og öryggi umhverfisins.

HER er sammála því að hluti af mótvægisaðgerðum til verndar lýðheilsu og umhverfi geti verið að krefjast vottorða um að ekki hafi greinst kampylóbakter í alifuglum á eldistímanum. HER telur jafnframt m.t.t. neytendaverndar og til að tryggja þann góða árangur sem hefur náðst hér á landi í baráttunni við kampylóbakter í kjúklingum, að nauðsynlegt sé að banna alfarið að dreifa afurðum alifugla á markað sem eru mengaðar af kampylóbakter.

Takmörkunin þarf því bæði að einskorðast við að kampylóbakter hafi greinst í alifuglum á eldistíma og að óheimilt sé að dreifa ómeðhöndluduðum afurðum alifugla, hafi greinst í þeim kampylóbakter við slátrun eða ef kampylóbakter greinist í alifuglaafurðum á markaði.

Einungis með þessu móti er hægt að ná markmiðum ráðuneytisins hvað þetta varðar eins og það er orðað metnaðarfullt í greinagerðinni með frumvarpsdrögunum: "Til að mæta þessum breytingum sérstaklega hyggst ráðuneytið setja reglugerð um bann við því að setja kampylóbakter mengað kjöt á markað." Lagt er til að bann verði í væntanlegrí reglugerð við því að setja kampylóbakter mengað kjöt á markað sem og ef mengað kjöt uppgötvast á markaði skuli innkalla það. Ef sú nálgun að bannað verði að hafa kampylóbakter mengað kjöt á markaði náist ekki í gegn, þarf í því samhengi að endurskoða sýnatökur á markaði t.d. að takmarka þær ef ekki á að nýta niðurstöður til innköllunar á mengaðri vöru eða að almenningur verði varaður við. Annað væri eyðsla á tíma eftirlitsaðila og aukinn kostnaður fyrirtækja sem sýnataka beinist að.

Athugasemdir og tillögur HER er varða einstakar greinar frumvarpsdraganna.

II. KAFLI

Breytingar á lögum nr. 93/1995 um matvæli.

4. gr.

HER leggur til að 4. gr. verði orðuð á eftirfarandi hátt með breytingum og viðbót:

Óheimilt er að dreifa ómeðhöndluduðum sláturafurðum alifugla á markað nema sýnt sé fram á



Reykjavíkurborg

Heilbrigðiseftirlit Reykjavíkur

gagnvart opinberum eftirlitsaðilum að staðfest hafi verið með sýnatöku á eldistíma að ekki hafi greinst kampylóbakter í fuglunum. Sömuleiðis er óheimilt að dreifa afurðum alifugla sem í greinist kampylóbakter á markað eða greinist í við slátrun og skal innkalla slikar afurðir eða almenningi gert viðvart eftir eðli máls. Nánar skal skilgreina í reglugerð hvað felst í meðhöndlun í skilningi ákvæðisins. Stjórnandi matvælafyrirtækis, sbr. 8. gr. b, skal leggja fram vottorð um niðurstöðu sýnatöku þess efnis að ekki hafi greinst kampylóbakter í fuglunum á eldistímanum og við slátrun eða sönnur fyrir viðeigandi meðferð sláturafurðanna sem leiðir til þess að magn kampylóbakter hverfi. Ráðherra skal kveða nánar um skilyrði samkvæmt ákvæði þessu í reglugerð.

5. gr.

HER leggur til að 5. gr. orðist svo:

Við 22. gr. laganna bætist nýr málslíður svohljóðandi: Ráðherra er heimilt að fela Matvælastofnun að annast framkvæmd sýnatöku hjá matvælafyrirtækjum, sbr. 20. ml. 1. mgr. 4. gr. laganna sem eru eftirlitsþegar stofnunarinnar skv. 6. gr. laganna og samkvæmt öðrum lögum sem hún á að framfylgja.

Með þessu yrði skýrt að þetta ákvæði varðar matvælafyrirtæki sem Matvælastofnun hefur eftirlit með samkvæmt matvælalögum. Rétt er að Heilbrigðiseftirlit sveitarfélaga annist áfram sýnatöku hjá öðrum matvælafyrirtækjum, sbr. ákvæði laganna, til að forðast tvíverknað og misskilning milli eftirlitsaðila og matvælafyrirtækja. Matvælastofnun getur að sjálfsögðu unnið áætlun um sýnatökur eftir sem áður sem og heimildir verði til framsals þar sem við á og hentar í báðar áttir.

8. gr.

HER fagnar því að sett séu inn ákvæði í matvælalögin til að beita stjórnvaldssektum jafnt til handa Matvælastofnun og Heilbrigðiseftirliti sveitarfélaga. HER bendir jafnframt að rétt væri að útvíkka þessa heimild almennt er varðar framfylgd laga um matvæli til samræmis við önnur lög sem hafa sliðar heimildir. Ekki verður séð að brot skv. nýrri 5. mgr. 8. gr. séu alvarlegri en ýmis önnur brot á lögunum t.d. ef matvælafyrirtæki dreifar matvælum sem eru menguð af salmonellu eða um er að ræða brot sem varða dreifingu á matvælum öðrum en þeim sem að framan greinir sem ekki eru örugg samkvæmt 8. gr. matvælalaga. HER leggur því til að fyrst um sinn nái ákvæði um stjórnvaldssektir til brota á greinum 8, 9 og 10 í matvælalögnum.

HER gerir ekki athugasemdir við aðrar greinar frumvarpsdragana en áskilur sér rétt til að koma með athugsemadir á síðari stigum.

Virðingarfyllst
f.h. Heilbrigðiseftirlits Reykjavíkur

Árný Sigurðardóttir
framkvæmdastjóri

